



大

學

郭益銘 主講



貳、傳文

二、條目功夫(內)

(二)釋正心修身

- ◎^{心之本節}所謂修身在正其心者：^{情之發節}身有所忿懣¹，則不得其正；有所恐懼，則不得其正；有所好樂²，則不得其正；有所憂患³，則不得其正。
- ◎^{心必守節}心不在焉⁴，視而不見，聽而不聞，食而不知其味。此謂修身在正其心。

淺註

- 1.忿懣：憤怒。《說文解字注》：「忿，悞也。忿與憤義不同。憤以氣盈為義。忿以狃急^{性情急躁}為義。」
 - 2.好樂：樂^{音要}，嗜好。
 - 3.憂患：擔憂災禍蒞臨之心^{私心}，此與聖人憂國憂民之心不同。
 - 4.心不在焉，視而不見，聽而不聞，食而不知其味：心不在於此^{視、聽、食}，似《論語》：「子在齊聞韶，三月不知肉味。曰：『不圖為樂之至於斯也。』」
- 【按】：心為明德之體本，具自然知覺^{良知}與自然能力^{良能}，其心接觸外緣而起妄動，生出七情五欲，即文中「忿懣、恐懼、好樂、憂患」之情，以身^外表心情之動態^內。

心不能守，則無以應對事務，此亦《孟子》：「學問之道無它，求其放心而已矣。」，其關鍵在不能致知，故不能誠意正心，此處守心即「都攝六根，淨念相繼」，亦似趙州禪「吃茶去」之意

《大學直指》：「身者，前六識身也。『忿懣、恐懼、好樂、憂患』，即貪瞋癡等，根隨煩惱也。現行熏成種子，故使第八識心『不得其正。』」

第八識體，本自無所不在，亦無所在。唯其受染法熏，持染法種，隨彼染法所起現行，為視、為聽、為食，面見聞知之妙性，遂為彼所覆蔽矣！

蓋其光圓滿得無增愛者，名之為見；既有所視，便不名見。十方擊鼓，十處齊聞者，名之為聞；既有所聽，便不名聞。舌根不動，淡性常在者，名為知味；既有所食，便不知味。...身心相關若此，故必格物致知，以誠其意，然後心正而身修也。『有所忿懣』等。只是不能格物，故意不誠；

『不見、不聞』等，只是不能致知，故心不正而身不修。」

二、條目功夫(外)

(一)釋修身齊家

◎^{情所蔽節}所謂齊其家在修其身者：人之其所親愛而辟^{音僻}焉¹，之其所賤惡²而辟焉，之其所畏敬³而辟焉，之其所哀矜⁴而辟焉，之其所敖惰⁵而辟焉。

◎^{理之正節}故好而知其惡，惡而知其美者，天下鮮矣！故諺有之曰：「^{引證節}人莫知其子之惡，莫知其苗之碩。」此謂身不修，不可以齊其家。

淺註

1.人之其所親愛而辟焉：之，介詞，適，往之意；親愛，親近喜愛；辟，偏執、偏激。

【按】：辟另做「譬喻」解，即反省之意。簡言之，見到自己所賤惡之人，即反省為何賤惡此人，似「見人惡，即內省，有則改，無加警」。後均同此，能有此反省之功夫，才能「好而知其惡，惡而知其美」。

2.賤惡：輕視厭惡。

3.畏敬：尊敬。

4.哀矜：《說文解字注》：「哀，閔也。閔、弔者在門也。」「矜，矛柄也。」哀憐、憐憫。

5.敖惰：傲慢怠惰。

【按】：《大學直指》：「五個『辟』字是不能格物，故不能致知耳，便是不能齊家之處，何止為身不修耶！莫知子惡，莫致苗碩，亦是為物所蔽，故不能致其知也。後一反結最為有力，正顯修身為本。」

(二)釋齊家治國

◎^{所謂治節}所謂治國必先齊其家者，其家不可教而能教人者，無之，故君子不出家而成教於國。孝者，所以事君也；弟者，所以事長也；慈者，所以使眾也。《康誥》曰：「如保赤子¹。」心誠求之，雖不中，不遠矣！未有學養子，而後嫁者也²。

淺註

- 1.如保赤子：赤子，嬰兒，初生之際呈現赤色故，此引用《尚書·康誥》經文提醒主政者應視民眾如初生之嬰兒，以慈心育之保之，此「使眾」之道。
- 2.心誠求之，雖不中，不遠矣！未有學養子，而後嫁者也：此勉勵切莫顧慮，以真誠心為之，雖未能不偏不倚行中庸之道，但亦不遠矣。此即母親因有真誠心，故自然會哺育嬰兒之理，隱喻未有先學治國而後出仕者，勉勵主政者應報真誠心治國。

【按】：《大學直指》：「一一都從修身上說來。玩三個『所以』字，絕不費力。妙在『心誠求之』四字，正與下文民好民惡相合，又與上文五個『辟』^{偏執}字相反；此皆從格物致知，誠意慎獨中來。」

◎^{一家仁節}一家仁，一國興仁；一家讓，一國興讓；一人貪戾，一國作亂¹。其機²如此。此謂一言僨事³，一人定國。堯舜帥天下以仁，而民從之；桀紂帥天下以暴，而民從之。其所令反其所好⁴，而民不從。是故君子有諸己，而後求諸人；無諸己，而後非諸人⁵。所藏乎身不恕⁶，而能喻諸人⁷者，未之有也。故治國在齊其家。

淺註

- 1.一人貪戾，一國作亂：一人指國君；貪戾，貪利。
- 2.機：關鍵。
- 3.一言僨事：《說文解字注》：「僨，僵也。引伸之為凡倒敗之稱。」僨事，敗事。
- 4.其所令反其所好：政令與他的行為^{其所好}相反。』
- 5.有諸己，而後求諸人；無諸己，而後非諸人：諸，介詞，「之於」的合音

義亦同之於；有諸己，要求自己，或自己具備；求諸人，要求別人；無諸己，自己所沒有或革除之惡行；非諸人，要求人家去除惡行，「非」另亦可做「責備」解。

6.藏乎身不恕：藏乎身，安身，立身；乎，緩和語氣助詞；不恕，不行恕道。

7.喻諸人：喻，勸導；諸人，眾人，亦可做「之於」人。

【按】：《大學直指》：「堯舜之仁，不過是格物致知，誠意正心，以修身耳；如此修身便為天下人榜樣，天下人自然從之，何必發號施令哉！令字與帥字正相反；『帥』是無心之化，『令』是有心之求。達得心外無天下，故不必有心求；不知天下在心中，故不能無心化也。」

◎^{詩云一節}《詩》云：「桃之夭夭，其葉蓁蓁；之子于歸，宜其家人¹。」宜其家人，而後可以教國人。《詩》云：「宜兄宜弟²。」宜兄宜弟，而後可以教國人。《詩》云：「其儀不忒，正是四國³。」其為父子兄弟足法，而後民法之也。此謂治國在齊其家。

淺註

1.桃之夭夭，其葉蓁蓁；之子于歸，宜其家人：夭夭，美艷；蓁蓁，形容極其茂盛；之，此；子，女子；于歸，出嫁，古時女子以夫家為歸宿；宜其家人，使家庭和順。本文引自《詩經·周南·桃夭》詩句，說明整其家道之重要。

2.宜兄宜弟：使兄弟和順，本文引自《詩經·小雅·蓼蕭》詩句，強調透過弟道以教導國人。

3.其儀不忒，正是四國：儀，行儀；忒，誤差；正，端正；是，此。本文引自《詩經·曹風·^{音詩}鳩》詩句，鳩鳩即布穀鳥，孵出幼鳥七隻，早上從上至下，晚上從下自上餵食，公平分配，比喻施政亦應如是，表國君言行有常，可作為天下表率。

【按】：本節以詩直指先齊家者後能治國之理，《大學直指》：「其儀不忒，只是修身事耳；正是四國，則天下不難平矣！為人父止於慈，為人子止於孝，為人兄止於友，為人弟止於恭，而后民自法之；可見四國自趨於正，不待我去正他。」

(三)釋治國平天下

◎^{平天下節} 所謂平天下在治其國者：上老老¹，而民興孝；上長長²，而民興弟，上恤孤，而民不倍³；是以君子有絜矩⁴之道也。

◎^{所惡節} 所惡於上，毋以使下⁵；所惡於下，毋以事上；所惡於前，毋以先後⁶；所惡於後，毋以從前⁷；所惡於右，毋以交⁸於左；所惡於左，毋以交於右；此之謂絜矩之道。

淺註

- 1.上老老：上，在上位者；前「老」為動詞，後「老」為名詞，老老，以敬老之道侍奉老人。
- 2.長長：同前語法，以敬長之道敬重尊長。
- 3.上恤孤，而民不倍：《說文解字注》：「恤，憂也。」「孤，無父也。孟子曰：『幼而無父曰孤。』引申之，凡單獨皆曰孤。」《說文解字》：「倍，反。」倍通「背」，此指背棄。
- 4.絜矩：絜，有使乾淨、以繩度量寬度之意；矩，畫方形之用具，引申為道德規範
- 5.使下：役使下屬。
- 6.先後：將之前人所為之事，再承傳施予後人。
- 7.從前：以後人所為之事，再對待前人。
- 8.交：交往。

【按】：《大學直指》：「^{平天下節}『老老、長長、恤孤』元即『孝、弟、慈』三字，只是變卻文法耳。『絜矩』二字最妙，只須向自身上推去，便知心、佛、眾生，三無差別。^{所惡節}正示人絜矩工夫，不是覆解字義而已。」

◎^{樂只節} 《詩》云：「樂只君子，民之父母¹。」民之所好好之，民之所惡惡之，此之謂民之父母。

◎^{節彼節} 《詩》云：「節彼南山，維石巖巖。赫赫師尹，民具爾瞻²。」有國者不可以不慎，辟則為天下戮矣³。

◎^{殷之節}《詩》云：「殷之未喪師，克配上帝。儀監于殷，峻命不易⁴。」道得眾則得國，失眾則失國。^{是故節}是故君子先慎乎德。有德此有人，有人此有土，有土此有財，有財此有用。德者，本也；財，者末也，外本內末，爭民施奪⁵。是故財聚則民散，財散則民聚。是故言悖而出者，亦悖而入；貨悖而入者，亦悖而出⁶。

淺註

- 1.樂只君子，民之父母：樂，令人喜悅；只，語助詞；君子，在上位之賢者；。本文引自《詩經·小雅·南山有臺》詩句，此讚歎有德君子在位，彷彿民之父母般愛護人民。
- 2.節彼南山，維石巖巖。赫赫師尹，民具爾瞻：節，高聳峭拔；彼，語助詞；南山，終南山；維，助詞；巖巖，形容岩石高峻；赫赫，形容顯赫盛大；師尹，周太師尹氏；具，盡；爾，助詞；瞻，敬視。本文引自《詩經·小雅·節南山》詩句，此勸誡有國家者，為民眾所瞻仰，故需時常謹慎，所為必要合乎民心。
- 3.辟則為天下僂矣：辟，邪僻；僂，同戮，《說文解字》：「戮，殺也。」
- 4.殷之未喪師，克配上帝。儀監于殷，峻命不易：喪師^眾，失去民心；克，能；配，相稱；上帝，天命；儀，宜；監，觀察；峻命，大命；不易，不變更。本文引自《詩經·大雅·文王》詩句，以周公追述文王之德，告誡成王，回顧殷商未失去民心時，也能與天意相應，但紂王暴虐而失民心，故應以殷商之成敗為殷鑑。
- 5.外本內末，爭民施奪：外本內末，本末倒置，輕道德而重財貨；爭民，使民爭鬥；施奪，教民掠奪。
- 6.言悖而出者，亦悖而入；貨悖而入者，亦悖而出：言，言語；悖，違背道義；貨，財物之總稱。

【按】：《大學直指》：「^{樂只節}修二空妙觀，如好好色，故無私好；斷我法二執，如惡惡臭，故無私惡。無私好，故能民之所好好之，無緣大慈也；無私惡，故能民之所惡惡之，同體大悲也。是謂三界大師，四生慈父。^{是故節}是故二字，頂上三『則』字來。緊切之極。不曰『明德』而曰『慎德』，正顯明明德之工夫全在慎獨也。『有德此有人』便為下文用人

張本，『有土此有財』便為下文理財張本；若悟大道則生財亦大道。不於大道之外別商生財矣。用人理財是平天下要務，而皆以慎德為本，皆即慎德中事；誰謂明明德外，更有他道哉！觀心釋者，性具三千，名為天下；慎德是先悟性體，用人是智慧莊嚴，理財是福德莊嚴。

舉本必兼得末，末得而本益榮；逐未必全遺本，本遺而末亦失。觀心釋者：不悟性德而修頑福，便成魔業。

民散將何以守財？民聚何憂乎不富！觀心釋者：一毫之善，施與法界眾生，則能成佛，而九界攸歸。」

◎^{康誥節}《康誥》曰：「惟命不于常¹。」道善則得之，不善則失之矣！楚書曰：「楚國無以為寶，惟善以為寶²。」舅犯曰：「亡人無以為寶，仁親以為寶³。」

淺註

- 1.惟命不于常：惟，助詞；命，天命；于，助詞；常，不變。此藉《康誥》中說明，天命之所歸，在於領導者是否施行仁政，若倒行逆施則失天命。
- 2.楚國無以為寶，惟善以為寶：此為楚國派遣王孫圉出使晉國，趙簡子一邊敲玉器，一邊問白珩^{音橫}是否還在。王孫圉回覆，楚國不以此為寶，而以觀射父為寶。
- 3.亡人無以為寶，仁親以為寶：此即重耳流亡至秦國時，秦穆公有意趁晉獻公去世時，協助重耳回國奪位。舅犯^{重耳母舅狐偃，字子犯}勸其以不願趁父喪時爭奪繼承權而婉拒。

◎^{秦誓節}《秦誓¹》曰：「若有一介臣，斷斷兮無他技²，其心休休焉，其如有容焉³。人之有技，若己有之；人之彥聖，其心好之，不啻若自其口出，寔能容之⁴。以能保我子孫黎民，尚亦有利哉！人之有技，媚^{音茂}嫉以惡之⁵；人之彥聖，而違之俾不通⁶。實不能容，以不能保我子孫黎民，亦曰殆哉！」

淺註

- 1.秦誓：《尚書》末篇，秦穆公不聽大夫蹇叔之勸，派孟明視、西乙術、白乙丙襲擊鄭國，因鄭國有備，轉滅滑國，後回師至崤山時，遭晉國伏擊，

三帥被俘，後蒙文嬴秦穆公女，晉襄公嫡母相助而赦還，作《秦誓》告誡大眾。

- 2.若有一介臣，斷斷兮無他技：有版本作「个」或「個」，應依《秦誓》作介。斷斷，真誠守一；兮，助詞，於《秦誓》中作「猗」音依。
- 3.其心休休焉，其如有容焉：休休，寬容好善；其如，從外表上看來；有容，氣度寬宏大量。
- 4.人之彥聖，其心好之，不啻若自其口出，寔能容之：《說文解字》：「彥，美士有文。」才華出眾之讀書人。聖，品德出眾。不啻，不僅；寔，同是；看到有才德之人，心悅誠服，不僅是口上讚歎，確實是能容納他。
- 5.媚嫉以惡之：媚嫉，嫉妒；因嫉妒而討厭他。
- 6.違之俾不通：違，恨、阻礙；俾，使；亦即障礙彥聖使之不通於君王。
【按】：《大學直指》：「前一大臣，由能格物致知，所以純是無人無我之心；後一奸臣，由其不能格物致知，所以只有分人分我之心。」

◎唯仁人節唯仁人放流之，迸諸四夷，不與同中國¹，此謂唯仁人為能愛人，能惡人。見賢節見賢而不能舉，舉而不能先，命也²；見不善而不能退³，退而不能遠，過也。好人之所惡，惡人之所好，是謂拂人之性，菑必逮夫身⁴。君子有大道節是故君子有大道⁵，必忠信以得之，驕泰以失之。生財有大道：生之者眾，食之者寡，為之者疾，用之者舒，則財恒足矣⁶。

淺註

- 1.唯仁人放流之，迸諸四夷，不與同中國：放流，放逐；之，惡人；迸，通「摒」音並；四夷，東夷、西戎、南蠻、北狄四方不知禮儀之少數民族。亦即將惡人流放到蠻荒之地，使之不與有教化之人同居中國。
- 2.見賢而不能舉，舉而不能先，命也：先，重視；命，同慢，輕慢。
- 3.退：罷黜，貶退。
- 4.是謂拂人之性，災必逮夫身：拂人之性，違背人性德；菑，古「災」字；逮，及；夫，語助詞。
- 5.君子有大道：君子，上位領導者；大道，正道，治國之方。

6.生財有大道：生之者眾，食之者寡，為之者疾，用之者舒，則財恒足矣：生財，創造財富；生之者、為之者，均指生產者；食之者、用之者，均指消費者；疾，快，引申為勤奮；舒，慢，舒緩，引申為簡約。

【按】：《大學直指》：「^{唯仁人節}唯仁人，無愛無惡；亦唯仁人，能愛能惡。仁是性體，無愛無惡是性量^{本性之量}，能愛能惡是性具^{本性之用}。由其不能如惡惡臭，如好好色，以自謙；故不能民之所好好之，民之所惡惡之。不過有所好樂，有所忿懣，則不得其正；遂至親愛而辟，賤惡而辟耳。可不格物致知，以慎其獨哉！

^{君子有道節}大道，即大學之道；君子不以位言，忠信即誠意之異名。直心正念真如，名至誠心，亦名為忠；了知心佛眾生三無差別，名之為信。自恃為驕，驕則不忠；輕他為泰。泰則不信。

大道，亦即大學之道也。既有大道，何必聚斂哉！『生之者眾、為之者疾』，只是民之所好好之；『食之者寡。用之者舒』，只是民之所惡惡之。觀心釋者：隨喜凡聖一毫之善，則生之者眾，不向三有，則食之者寡。勤策三業，修行五悔，則為之者疾；不向二乘，則用之者舒。又不向二乘、三有，皆是食之者寡；觀察三輪體空，則是用之者舒。」

◎^{仁者節}仁者以財發身，不仁者以身發財¹。未有上好仁，而下不好義者也；未有好義，其事不終者²也；未有府庫財，非其財者也³。

◎^{孟獻節}孟獻子⁴曰：「畜馬乘，不察於雞豚⁵；伐冰之家⁶，不畜牛羊；百乘之家，不畜聚斂之臣⁷。與其有聚斂之臣，寧有盜臣⁸。」此謂國不以利為利，以義為利也。長國家而務財用者，必自小人矣⁹。彼為善之¹⁰，小人之使為國家，菑害并至。雖有善者，亦無如之何矣！此謂國不以利為利，以義為利也。

淺註

- 1.仁者以財發身，不仁者以身發財：以財發身，藉財富以立身；以身發財，藉身力以積聚財富。
- 2.其事不終者：不終，沒有結果；做事半途而廢。
- 3.未有府庫財，非其財者也：府庫財，國庫中之財物；非其財者，不視為自己的財富。亦即民眾愛惜國家財物如自己之財物。

- 4.孟獻子：魯國大賢，魯文公時任大夫，複姓仲孫，名蔑。「獻」為其諡號，「子」為其尊稱。
- 5.畜馬乘，不察於雞豚：能飼養馬乘者，不關注雞與豬等微小收益。
- 6.伐冰之家：伐冰，鑿取冰塊；古時候僅有卿大夫以上貴族得以鑿冰。
- 7.聚斂之臣：聚，蓄積；斂，徵收；即搜刮錢財之臣子。
- 8.盜臣：盜竊庫藏財物之家臣。
- 9.長國家而務財用者，必自小人矣：長國家，身為一國君長；務財用，一心追求財富；必自小人，受小人蠱惑。
- 10.彼為善之：彼，國君；為，以為；善，能。

【按】：《大學直指》：「觀心釋者：聚財是染汙心修有漏善，長在生死，名為『以身發財』；不達生財大道，是狂慧枯禪，不能稱性修習菩提資糧，不名『以財發身』。今言『生財有大道』，即是稱性所起緣因莊嚴，不向外求，又言『以財發身』。可見六度萬行，闕一不可，不得空談理性也。

此二節以用人理財合說，尤見二事只是一事；須是先慎乎德，方能用人，方能理財。大約賢臣決以愛民為務，聚斂決定便是小人。故仁者只須得一賢臣，則不必聚財而恆足；不仁者只是一味貪財，則小人便得進用而致蓄也。」

國學書院